

Վազգէն Ա. Ամենայն Հայոց Կաթողիկոսի Նուիրում Յուշատօն

Վազգէն Ա. Ամենայն Հայոց Կաթողիկոսի, Օրհնութեան խորհրդաւոր ձայներն են, որ մեզմ անոյշ կը հնչեն մեր յուշերու աշխարհէն:

Օրհնութեան կանչեր են՝ որոնք մեր ժողովուրդը կ'օրհնեն եւ կը փառաբանեն լուրջեամբ, առցուն հայրապետական՝ հայրական գթարտութեամբ եւ գորովով, կարծես մեզ կը դիտէ վեհը հեռուէն, մեր վրայ սեւեռած իր սրբալոյս աչքերովը եւ պայծառ՝ սրբացած դէմքով:

Յիշատակի յարգանքի՝ մեծարանքի եւ փառաբանութեան՝ Յուշատօն մըն էր, հովանաւորութեամբ՝ Յունահայոց Թեմական Խորհուրդի եւ կազմակերպութեամբ Յունաստանի Ռամկավար Ազատական Կուսակցութեան նախաձեռնութեամբ:

Յուշատօնը իրենց ներկայութեամբ պատուած էին, Յունահայոց Թեմական Թեմի՝ Առաջնորդական տեղապահ՝ Հայր Խորէն վրդ. Առաքելեան:

Սոյն Յուշատօնին իր մասնակցութիւնը բերելու համար, յատկապէս հրաւիրուած էր, Պելճիգայի Հայոց Հայրապետական պատուիրակի փոխանորդ՝ Հոգեշնորհ Հայր Զատիկ վրդ. Աւետիքեան, որ տարիներ շարունակ գաւազանակակիքը եղած է Վազգէն Ա. Ամենայն Հայոցի:

Նմանապէս ներկայ էին Կաթողիկէ եկեղեցւոյ հոգեւոր Առաջնորդ Գեր. Յովսէփ Պեգազեան, Յունաստանի Հայ Աւետարականներու Հոգեւոր Առաջնորդ՝ Վերապատուելի Վիգէն Զոլազեան, Յունահայոց Թեմի փոխ ատենապետ Մերուժան Հարթենեան, Արարատ Մ.Մ.Միութեան վարչական անդամներ, Արարատի Տիկնանց Օժանդակ Յանձնախումբ, Ազնուափայլ տիկիններ Յունաստանի Էջմիածնասէր Տիկնանց Յանձնախումբի անդամներ եւ յարգելի հաւատացեալ ներկաներ:

Յուշատօնի բացումը կատարեց ընկ. Յակոբ Ճէլալեան, որ բարի գալուստի խօսքերէն յետոյ, երկու յուշեր պատմեց երջանկայիշատակ Վազգէն Ա. Ամենայն Հայոց Կաթողիկոսի՝ ընտրութեան առաջին շրջանէն:

Վազգէն Ա. Մայր Աթոռի յետ պատերազմեան տազնապը մեղմացրնելու մտածողութեամբ, որոշեց դէպի Եւրոպայ շրջագայութիւն նախաձեռնել:

Նախ հանգրուանեց Վատիկան, ուր օրեր համբերատար սպասումէ յետոյ, հանդիպեցաւ Պիոս Ժ.Ա. Քահանայապետին, որ ծանօթ էր իր խիստ նկարագրով:



Յունահայոց Թեմի Առաջնորդական տեղապահ Տ. Խորէն վրդ. Առաքելեան



Հոգեշնորհ Հայր Զատիկ վրդ. Աւետիքեան



Ռ.Ա.Կ-ի ատենապետ ընկ. Յակոբ Ճէլալեան

Շարունակութիւնը էջ 3

Ն.Ս.Օ.Տ.Տ. Գարեգին Բ. Ծայրագոյն Պատրիարք եւ Ամենայն Հայոց Կաթողիկոսի կոնդակը Հայաստանի առաջին Հանրապետութեան եւ մայիսեան հերոսամարտերի 100-ամեակի առիթով

ԳԱՐԵԳԻՆ Բ ԾԱՌԱՅ ՅԻՍՈՒՄԻ ՔՐԻՍՏՈՍԻ ՈՂՈՐՄՈՒԹԵԱՄԲՆ ԱՍՏՈՒԾՈՅ ԵՒ ԿԱՄՕՔՆ ԱԶԳԻՄ ԵՊԻՍԿՈՊՈՍՏԱՊԵՏ ԵՒ ԿԱԹՈՂԻԿՈՍ ԱՄԵՆԱՅՆ ՀԱՅՈՑ ԾԱՅՐԱԳՈՅՆ ՊԱՏՐԻԱՐՔ ՀԱՄԱԶԳԱԿԱՆ ՆԱԽԱՄԵԾԱՐ ԱԹՈՈՆՑ ԱՐԱՐԱՏԵԱՆ ԱՌԱՔԵԼԱԿԱՆ ՄՍՅՐ ԵԿԵՂԵՑԻՈՅ ՍՐԲՈՅ ԿԱԹՈՂԻԿԷ ԷԶՄԻՍՏՆԻ ՔՐԻՍՏՈՍԱԽԱՆԴ ՄԻՐՈՅ ՈՂՋՈՅՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ ՄԵԾԻ ՏԱՆՆ ԿԻՒԿԻՈՅ ԿԱԹՈՂԻԿՈՍՈՒԹԵԱՆ, ՊԱՏՐԻԱՐՔՈՒԹԵԱՆՑ ՀԱՅՈՑ ՍՐԲՈՅ ԵՐՈՒՍԱՂԻՄՍՑ ԵՒ ԿՈՍՏԱՆՆՈՒՊՈԼԻՍՈՅ, ԱՐՔԵՊԻՍԿՈՊՈՍՍԱՑ, ԵՊԻՍԿՈՊՈՍՍԱՑ, ՎԱՐԴԱՊԵՏԱՑ, ՔԱՀԱՆԱՅԻՑ ԵՒ ՍԱՐԿԱԽԱԳԱՑ, ԹԵՄԱԿԱՆ ԵՐԵՍՓՈՒՆԱԿԱՆ ԺՈՂՈՎՈՑ, ԹԵՄԱԿԱՆ ԵՒ ՀԱՄԱՅՆՔԱՅԻՆ ԽՈՐՀՐԴՈՅ ԵՒ ՊԱՇՏՕՆԷԻՑ ԵՒ ՄԻՐԵՑԵԱԼ ՀԱՄԱՅՆ ՀԱԻԱՏԱՑԵԱԼ ԺՈՂՈՎՐԴԵԱՆ ՀԱՅՈՑ

«Եւ այս է յաղթութիւնն՝ որ յաղթէ աշխարհի, հաւատքն մեր»
(Ա Յովհ. Ե 4):

Գոհութիւն եւ փառք ենք մատուցում Աստծուն, որ Հայաստանում եւ Արցախում վերականգնուած պետականութեամբ եւ ի սփիւռս աշխարհի ազգային կեանքի ձեռքբերումներով է մեր ժողովուրդը դիմաւորում 100-ամեակը Հայաստանի Առաջին Հանրապետութեան եւ մայիսեան հերոսամարտերի: Նշանակալի այս իրադարձութիւնների մեկդարեայ յոբելեանի առիթով Հայրապետական Մեր խօսքն ենք ուղղում սիրեցեալ մեր ժողովրդին բարձրաձայնելով առաքելաւանդ պատգամը. «Եւ այս է յաղթութիւնը, որ յաղթում է աշխարհին մեր հաւատքը»:

Մէկ դար առաջ մեր ժողովուրդը յայտնուէլ էր կեանքի եւ մահուան սահմանագծին: Օսմանեան Թուրքիան օգտուելով Առաջին համաշխարհային պատերազմի խառնաշփոթ իրավիճակից, իրագործում էր ցեղասպանութեան իր հայաջինջ ծրագիրը: Արեւմտեան Հայաստանը եւ հայկական բնակավայրերը Թուրքիայում աներակուէլ ու հայաթափուէլ էին, թուրքական զօրքերը ներխուժէլ էին նաեւ Արեւելեան Հայաստան սպառնալով մեր ժողովրդի գոյութեանը:

Այդ օրհասական պահին յոյսն առ Աստուած՝ միահամուռ կամքով մեր ժողովուրդը Սարդարապատում, Այաբանում եւ Ղարաբաղի խաչում ճակատ կազմեց թշնամու դէմ: Համախմբուելու իրախոյս ու քաջալերութիւն դարձաւ Գեւորգ Ե Ամենայն Հայոց Կաթողիկոսի կոչը՝ ժողովրդի սրտում առաջ բերելով յաղթանակելու ոգի եւ փակելով խուճապի ու նահանջի ուղին: Ետեւում մեր հայրենիքի փոքրիկ մի մասունքն էր, ետեւում Քրիստոսահաստատ Սուրբ Էջմիածինն էր՝ մեր հաւատքի օրրանն ու ինքնութեան պատուարը: Հայոց Հայրապետը մերժեց հեռանալ Սուրբ Էջմիածնից եւ քաջաշունչ պատգամով մարտի կոչեց ժողովրդին ասելով. «Ես միշտ էլ հաւատացել եմ իմ ժողովրդի ոգուն: Ես գիտեմ նրա անցած ճանապարհի դառնութիւնները: Ես համոզուած եմ նաեւ, որ ազգն իմ հայոց անարգ թշնամուն դեռ չի ասել իր վերջին խօսքը: Եւ խօսքն այդ պիտի լինի յաղթական»:

Մէկ ամբողջութիւն, մէկ կամք ու հոգի դարձած մեր ժողովուրդը ոտքի կանգնեց փրկելու հայրենիքը, իր կեանքը, իր սրբութիւնները, պաշտպանելու հայրենի հողում ազատ ապրելու իր իրաւունքը: Մրբոց Վարդանանց եւ Ղեւոնդեանց օրինակով Աւարայրի ոգին բոցավառուէց մայիսեան մարտերում: Յաղթանակը ձեռք բերուէց արիութեան ու հերոսութեան շնորհիւ հայկական փոքրաթիւ զօրամիաւորումների ու զօրահրամանատարների եւ նրանց շարքերը լրացրած հոգեւորականների ու աշխարհազօրայինների: Թուրքական զօրքերի առաջխաղացումը կանգնեցուէց եւ ետ մղուէց:

Շարունակութիւնը էջ 2

Փետրուար 13-ին, Արցախեան շարժման 30-ամեակին նուիրուած՝ Ստեփանակերտի մէջ կազմակերպուած է տօնական երթ եւ հանրահաւարք



Ըստ Artsakhpress.am-ի՝ երթի մասնակիցները պաստառներով, դրօշներով, կոչերով, «միացում» վանկարկելով մայրաքաղաքի կեդրոնական փողոցներէն շարժած են դէպի Ստեփանակերտի Վերածնունդի հրապարակ, ուր կայացած է Ղարաբաղեան շարժման 30-ամեակին նուիրուած տօնական ձեռնարկ:

Հանրահաւարքին օրհնութեան խօսք յղած է Հայ Առաքելական եկեղեցույ Արցախի թեմի առաջնորդ Պարգեւ արքեպիսկոպոս Մարտիրոսեան:

Ձեռնարկին ընթացքին ցուցադրուած են Ղարաբաղեան շարժման մասին պատմող փաստավաւերագրական ֆիլմեր:

Հանրահաւարքին Արցախեան շարժման 30-րդ տարեդարձին առիթով՝ շնորհաւորական ելոյթով հանդէս եկած է Արցախի Հանրապետութեան նախագահ Բակօ Սահակեան՝ ըսելով, որ 1988 թուականը բեկումնային եղած է հայ ժողովուրդի պատմութեան մէջ:

«Երեք տասնամեակ առաջ, այս օրերուն, համայն հայութիւնը համախմբուեցաւ, դարձաւ մէկ բռունցք՝ ողջ աշխարհին ազդարարելով սեփական բնօրրանին մէջ ազատ ու անվտանգ ապրելու համար մաքառելու իր պատրաստակամութեան մասին: Համաժողովրդական այս պտղովուրդ մարտահրաւիր էր բռնատիրութեան, հալածանքներու, մարդու իրաւունքներու խախտումներու, բոլոր այն արհաւիրքներուն, որոնց մէջէն անցած է մեր ժողովուրդը իր բազմադարեայ պատմութեան ընթացքին: Եւ այս շարժման պսակը դարձաւ հայոց անկախ պետականութեան վերականգնումը: Այս գոյապայքարին մէջ, դժբախտաբար, մենք ունեցանք նաեւ անդամալի կորուստներ: Հայրենիքի պաշտպանութեան սուրբ գործին իրենց կեանքը նուիրաբերած են մեր ժողովուրդի լաւագոյն զաւակները: Անոնք զոհ չեն, անոնք մարտիրոսուած հերոսներ են, որոնք անմահացան եւ կը շարունակեն իրականացնել հայրենիքի պաշտպանի իրենց սուրբ առաքելութիւնը՝ ոգեշնչելով եւ պարտաւորեցնելով՝ անմնացորդ ծառայելու հայրենիքին, աշխատելու ի փառս անոր զարգացման ու զօրացման: Այս բոլոր տարիներուն ընթացքին մենք մշտապէս զգացած ենք Մայր Հայաստանի յատուկ հոգատարութիւնը Արցախի նկատմամբ: Անհնարին է պատկերացնել մեր ձեռքբերումներն ու յաղթանակները առանց ՀՀ գործունէ անմիջական մասնակցութեան: Այսօր ալ միասին կը լուծենք մեծ ու պատասխանատու խնդիրներ: Բոլորս հաստատակամ ենք եւ պիտի ընենք հնարաւորը, որպէսզի վաղուան օրը ըլլայ յուսալի, մեր հայրենիքը՝ աւելի հզօր ու բարեկեցիկ: Հակառակորդը միշտ պետք է գիտնայ, որ մեզի հետ ուժի լեզուով խօսիլը դատապարտուած է ձախողման: Մեր ժողովուրդը, մեր բանակը եւ ողջ հայութիւնը որեւէ պահու արժանի հակահարուած պիտի տայ մեր ազատութեան ու անվտանգութեան սպառնացող իրաքանչիւր ոտնձգութեան», - նշած է Նախագահը:

Ղարաբաղեան շարժման առաջամարտիկներէն Համլէէ Գրիգորեան, իր ելոյթին մէջ նշած է, որ Ղարաբաղեան շարժման 30-ամեակը համահայկական փառապանծ տօն է: «Վերյիշենք անոնց, որոնք 20-րդ դարուն հայկական հիմնահարցը անթելուած չեն ձգած եւ քայլ առ քայլ մօտեցուցած են մեր հինաւուրց երկրամասի անկախութեան: Փաստ է, որ մեր հանրապետութիւնը դեռ ճանչցուած չէ, բայց փաստ է նաեւ, որ միջազգային ոչ մէկ ատենանի մէջ՝ առայսօր չեն կասկածած մեր հանրապետութեան օրինականութեան:

Շարունակութիւնը էջ 6

Շարունակուած էջ 1-էն

ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ...

Աւերումից ու կոտորածից փրկուեց Արեւելեան Հայաստանը, եւ հինգ եւ կէս դարերի երկարատեւ դադարից յետոյ վերականգնուեց հայկական պետականութիւնը: Եղեռնահար մեր ժողովուրդը վկայեց վեր յանելու իր գօրութիւնը, իր հոգու կենսունակութիւնը եւ ուժը հաւատքի նեղութիւններէ, ցաւ ու տառապանքի մէջ յաղթանակ կերտելով: Առ Աստուած հաւատքի, հայրենասիրութեան ու նուիրումի հերոսական ոգին միաւորեց ու պաշտպանեց մեր ժողովրդին, որ գերագոյն ճիգով հայոց պետականութեան հովանու ներքոյ հայրենիքում ու սփիւռքում բարձրացրեց իր կեանքը եւ քայլեց վերելքի ուղիով:

Այսօր, սիրելի ժողովուրդ հայոց, 100-ամեայ յոբելեանը հրաւիր է մեզ նուիրուած մնալու ազգային զարթօնքի մեր իղձերին, հրաւիր՝ մեր հայրենի պետականութիւնը ամուր պահելու եւ հայրենիքով համախմբուած մնալու: Նշանակալի այս յոբելեանը նաեւ մի նոր հանգրուան է հաւատաւոր ոգով ու նուիրեալ գործերով շէնացնելու, զօրացնելու մեր երկիրն ու ազգային կեանքը, շարունակելու հետեւողական ջանքերը յանուն Արցախի հիմնախնդրի կարգաւորման, մեր բանակի հզօրացման, որպէսզի խաղաղութիւնը անվրդով լինի մեր հայրենեաց սահմաններում: 100-ամեայ յոբելեանը պատգամն է բերում համազգային միասնութեան, հայրենիք-սփիւռք կապերի արդիւնաւորման, մեր Եկեղեցու անդաստանում եւս միասնականութեան վերահաստատման:

Միեկեալ հաւատաւոր ժողովուրդ Մեր, իւրաքանչիւրս մեր ծառայութեան մէջ, մեր կեանքի ընթացքներում միշտ առաջնորդուելով քրիստոնէական մեր հաւատքին, ազգին ու հայրենիքին զինուորագրութեան գիտակցութեամբ՝ պիտի կարողանանք զերծ մնալ կորուստներից եւ քայլեք յաղթանակից յաղթանակ: Պետականութիւնը ազգի կազմակերպման հիմքն է, առաջընթացի ուղի, իր արժէքներով ապրելու, իր հոգեւոր ներուժը դրսեւորելու յենարան, իր ձգտումները իրագործելու եւ իրաւունքները պաշտպանելու պատուար ու ազգի յարատեւութեան գրաւական: Զմոռանանք մեր կրած՝ զոհողութիւններն ու տառապանքները եւ միմեանց աջակից կառուցենք բարօրութեամբ եւ խնդրութեամբ լեցուն վաղուայ մեր օրը: Յիշենք մեր Եկեղեցուն ու հայրենիքին իրենց կեանքը նուիրած մեր հայրերին եւ հաւատքի ու հայրենեաց սիրոյ մէջ ինքներս մեզ գերազանցենք, որպէսզի այսօր նոյնպէս մեր ազգային եւ հայրենական կեանքի առջեւ ծառայած դժուարութիւններին ու խնդիրներին տրուող մեր վճիռները եւ մեր երկրի խաղաղութեանը սպառնացող վտանգներին տրուող մեր պատասխանները լինեն յաղթական: Անվարան մեր հաւատքն ու հայրենեաց սէրը թող մեզ առաջնորդեն իրականութիւն դարձնելու Արարատի փեշերին միասնական մեր հայրենիքի եւ մեր Սուրբ Եկեղեցու ու ազգային զարթօնքի տեսիլքները: «Եւ այս է յաղթութիւնը, որ յաղթում է... մեր հաւատքը»:

Մայր Աթոռ Սուրբ Էջմիածնից՝ համայն հայութեան նուիրական սրբօրրանից Հայրապետական Մեր պատգամն ենք բերում սիրեցեալ մեր ժողովրդին, մեր Եկեղեցու թեմական, համայնքային մարմիններին, ազգային, գիտական, կրթական, մշակութային կառոյցներին՝ զանազան միջոցառումներով տօնախմբելու յոբելեանական տարեդարձը դարձնելով հայրենասիրութեան ոգու, քաղաքացիական գիտակցութեան ու պարտքի արթնութեան, ազգի ու Եկեղեցու միասնականութեան ուժ ու զօրութիւն, նորոգութիւն հաւատքի եւ քաջալերութիւն հայրենաշէն ու ազգաշէն գործերի:

Աղօթում ենք, որ Քրիստոս մեր Տէրը պահպանի մեր ժողովրդին մաքուր հաւատքով եւ օրհնի ազգիս ջանքերը ի սէր մեր նուիրական հայրենիքի զօրացման, մեր Սուրբ Եկեղեցու պայծառութեան եւ մեր բարօր, լուսաւոր ու երջանիկ գալիքի: Թող Բարձրեալի օրհնութեան եւ շնորհների ներքոյ մեր երկիրը եւ ժողովուրդը, աշխարհը համայն ապրեն խաղաղութեան մէջ այսօր եւ միշտ. ամէն:

Օրհնութեամբ՝
ԳԱՐԵԳԻՆ Բ
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Տուաւ Կոնդակս յ 8-ն Յունուարի,
յամի Տեառն 2018 եւ ի թուին հայոց ՌՆԿԷ
ի մայրավանս Սրբոյ Էջմիածնի
ընդ համարաւ 1024

Շարունակում էջ 1-ի

Վազգեն Ա. Ամենայն Հայոց Կաթողիկոսի Նուիրում Յուշատուն

Երկու կրօնապետերու ողջագուրումով, Կաթողիկե եւ խորհրդային աշխարհի պատկանող աթոռակալի մը միջեւ, սառը հալեցաւ ու աշխարհ իմացաւ, համայնավար այդ բազմազգեան աշխարհին մէջ գոյութիւն ունեցող Հայաստանի մասին:

Վազգեն Ա. Ամենայն Հայոց Կաթողիկոս, ապա ուղեւորուեցաւ դէպի Վենետիկ, ուր ընդունուեցաւ Միխիթարեան Միաբաններէն եւ 26 Մարտ 1956-ին ի պատիւ Նորին Սրբութեան հանդիսութիւն մը կազմակերպուած էր, որուն ընթացքին Վեհափառ Հայրապետը ոգեշունչ քարոզ մը արտասանած է:

Վեհափառ Հայրապետը յաջորդաբար այցելած է նաեւ Ս. Ղազար, ուր նմանապէս կրօնաշունչ ու ազգասիրական քարոզ մը արտասանած է:

Ընկ. Ճէլալեան յիշատակեց որ, Վեհափառ Հայրապետի ելոյթներուն ներկայ գտնուած են ի շարք ալ անձնաւորութիւններու, Հ.Ս. Ուլուռեան Աբբահայրը եւ Վենետիկի Պատրիարք Ը. Ռոննալի որ յետագային Ճովաննի 23րդ Հռոմի Պապը դարձաւ:

Երջանկայիշատակ Վազգեն Ա. Ամենայն Հայոց Կաթողիկոս՝ 21 Ապրիլ 1968-ին Վիեննայի Ս. Հռիփսիմէ եկեղեցին օծելով, բարձրադասակ առաջին անգամ ըլլալով, անդրադարձած է, Ղարաբաղի հայութեան տառապանքին մասին, ազերի իշխանութեան օրերուն:

Ընկ. Յ. Ճէլալեան իր խօսքը եզրափակեց ըսելով «Վեհափառը վերահաստատեց հայ ժողովուրդի անսխալ այդ համոզումը, թէ Մայր Աթոռի վեհափառները ստանձնած են «Հայոց Թագաւորի» մակդիրը հայրենիքի դժուարին եւ ասպատակուած օրերու ընթացքին, եւ աւարտեց իր խօսքը ըսելով, «Երջանկայիշատակ Վազգեն Ա. ոչ միայն շինարար՝ վերականգնող, բարեկարգիչ՝ Սրբազնագոյն կրօնապետ մը եղաւ, այլ արժանաւոր ազգային հերոս Ազգապետ մը»:

Յունարէն լեզուով՝ բարի գալստեան խօսքը արտասանեց, կուսակցութեան ատենապետ իրաւաբան ընկ. Յակոբ Ֆեւճեան, որ ներկաներուն ուշադրութեան յանձնեց, Վազգեն Ա. Ամենայն Հայոց Կաթողիկոսի կատարած՝ պատմական իսիստ կարեւոր գործունէութեան մասին, որ իր կարգին ամպիոն հրաւիրեց Յունահայոց Թեմի Առաջնորդական տեղապահ Հայր Խորէն վրդ. Առաքելեանը, որ իր գոհունակութիւնը յայտնեց, այս կրօնաբարոյական ձեռնարկին, ուր կը տօնախմբուի յիշատակը Մեծագործ Հայրապետ, Վազգեն Ա. Ամենայն Հայոց Կաթողիկոսի, իր իմաստուն գործունէութեամբ եւ սրբացած վարքով, կրցաւ ծաղկեցնել եւ Հայաստանեայց Առաքելական Ուղղափառ եկեղեցիին, հանգամանք եւ պատկառանք շնորհել:

Յուշատունին օրուան նիւթին կարեւորութեան եւ Վազգեն Ա. Ամենայն Հայոց Կաթողիկոսի, քահանայական կուսակրօն ձեռնադրման մասին մանրամասնօրէն, անդրադարձաւ ընկ. Զաւէն Գրիգորեան, որուն խօսքը կը հրատարակենք առանձին յաջորդի:

Յայտագրի գեղարուեստական բաժինը կը կազմէր, Վազգեն Ա. Ամենայն Հայոց Կաթողիկոսի կեանքին նուիրում ժապաւենի ցուցադրութեամբ, որ պատրաստուած է փաստագրական



Ընկ. Զաւէն Գրիգորեան

տուեալներու վրայ, Մայր Աթոռ Սուրբ Էջմիածնի «Շողակաթ» հաստատութեան կողմէ:

Յուշատունը՝ որ նուիրում էր՝ Վազգեն Ա. Ամենայն Հայոց Կաթողիկոսին, օրուան նիւթը եւ խորհուրդը աւելի փաստագրական եւ աւելի առարկայական դարձնելու նպատակաւ, այն ձեռնարկին յատկապէս հրաւիրուած էր Պեճիքայի հայոց եկեղեցւոյ Հայրապետական պատուիրակի փոխանորդ Հ. Զատիկ վրդ. Աւետիքեան, որ տարիներ շարունակ Վեհափառի գաւազանակակիրը եւ սանը եղած է, որպէսզի ականատեսի՝ կենդանի յուշերով եւ օրինակներով ներկայացնէ Վազգեն Ա. Ամենայն Հայոցը:

Հայր Սուրբը անդրադարձաւ՝ Վեհափառ Հայրապետի անձնաւորութեան, որպէս Կաթողիկոս իր առաքելատիպ յատկանիշներուն, իր մարդկային նկարագրին, գործունէութեան եւ իր ձգած կտակին մասին:

Վազգեն Ա. Ամենայն Հայոց Կաթողիկոս դժուարին ժամանակներուն Մայր Աթոռի պաշտօնը ստանձնեց եւ իր Հայրապետութեան առաջին տարիէն հարցեր ստեղծուեցան որոնք կը շարունակուին մինչեւ



Ընկ. Յակոբ Ճէլալեան



Զախէն աջ՝ Վերապատուելի Վիգէն Չոլագեան, Գեր. Յովսէփ Պեգազեան, Հոգեշնորհ Հայր Զատիկ վրդ. Աւետիքեան, Առաջնորդական տեղապահ Տ. Խորէն վրդ. Առաքելեան

այսօր՝ արտաքին խաւարի ոյժերուն պատճառաւ:

Վեհը այդ բոլոր դժուարութիւնները դիմագրաւեց՝ Հայրական խոր համբերութեամբ եւ իմաստութեամբ նախանձախնդիր մնալով Հայաստանեայց եկեղեցւոյ «Միասնական ոգիին» եւ միշտ ապաւինելով հաւատքին յոյսին՝ արթնամտութեան եւ անտարանի ոգիին, որպէս իմաստուն առաջնորդ: Վեհին մէջ մնայուն հետեւողական արժէքներ էին՝ հայ ժողովուրդի ազգային շահերուն եւ եկեղեցական միասնականութեան հարցերը եւ իր շրջահայեաց եւ հեռատես տեսլապաշտութեամբ, կրցաւ Հայաստանեայց Առաքելական Ուղղափառ եկեղեցւոյ վեհապետութեան ընդհանուր կառոյցը ամուր հիմերու վրայ կանգնել:

Հայր Զատիկը, այս բոլոր Վեհին մօտ ամբարում առաքինազարդ յատկանիշները ներկաներուն հաղորդեց իր յուշերուն մէջէն: Նմանապէս ան յիշեց թէ երկրաշարժի օրերուն թէ ինչպէս վշտահար էր եւ անկախութեան հռչակումով որքան գոհունակ:

Հայր Սուրբը ունկնդիրներուն պատմեց նաեւ Ոսկեզարդ խաչին եւ Ադամանդակոտ հայերէն տառերու ոսկիէ պատրաստուած պատմութիւնը, երբ Արծրուն Զրբաշեան ամբողջական ոսկին նուիրեց Մայր Աթոռ Ս. Էջմիածնի եւ Վազգեն Ա. Կաթողիկոս «Հայուն խաչը եւ հայերէն տառերը» քանդակեց ոսկիով եւ գոհարներով, վեր առնելով Խաչին եւ հայերէն տառերուն իմաստը՝ հայ ժողովուրդի համար:

Յուշատունը վերջ գտաւ երբ բոլոր հոգեւոր հայերը բեմ հրաւիրուեցան, կատարելով աղօթասացութիւնը եւ Պահպանիչը:

Մանկագիր Նունե Սարգիսեան... Նաեւ Նկարիչը

Ասատուր Կիզելեան

Նունե Սարգիսեան ծնած է Երեւան: Համալսարանական ուսումը ստացած է Երեւանի Պետական համալսարանի Ռոմանա-գերմանական բաժնին մէջ: Ան ամուսնացած է գիտնական, ՀՀ երբեմնի վարչապետ, Միացեալ Թագաւորութեան այժմու դեսպան եւ ՀՀ նախագահական թեկնածու, Տոթթ. Արմէն Սարգիսեանի հետ:



Դեռ համալսարանական ուսանող՝ Ն. Սարգիսեանի հեքիաթները տպագրուած են սովետահայ մանկական ամսագիրերու մէջ: Ան ծանօթ անուն մը դարձաւ միջազգային գրական շրջանակներէն ներս որպէս մանկագիր, երբ անոր հեքիաթները հրատարակուեցան բացի հայերէնէ՝ նաեւ անգլերէն, ռուսերէն եւ ուկրաերէն լեզուներով:



Ժամանակին հանգամանօրէն անդրադարձած էմ Նունե Սարգիսեանին որպէս գրող, եւ գրախօսած անոր գիրքերը, բայց ինչ կը վերաբերի *"Նունե Սարգիսեան նկարիչին"*, անկեղծ ըլլալու համար ըսեմ, որ զարմանքով կարդացի Everard Read (Էվերարտ Ռիտ) պատկերասրահէն ինծի դրկուած հրաւիրատուսը, որով կը հրաւիրուի Նունե

Սարգիսեանի նկարներու ցուցահանդէսի բացումին, 30 Յունուար, 2018-ին:

Գեղանկարիչ Էդման Այվազեանէն իմացած էի տարիներ առաջ, որ Արուեստի Արքայական Ակադեմիային մէջ Նունէն դասախօսութիւն մը տուած էր Հայաստանի նկարիչներու մասին, արժանանալով մասնագետ ունկնդիրներու որոնց կարգին նաեւ իր հիացումին: Մինչեւ հիմա կը յիշեմ Այվազեանին խօսքերը. *"Ես մինչ այդ, նման մասնագիտական լուրջ ու չափազանց հետաքրքրական դասախօսութիւն չէի լսել Հայաստանի նկարիչներէ մասին"*:

Այվազեանի խօսքերը զարմանք չէին պատճառած ինծի, քանի տեղեակ էի Նունէի կենսագրութեան եւ գիտէի որ ան արուեստերու յատկապէս նկարչական արուեստի պատմութեան մասնագետ էր եւ Լոնտոնի Համալսարանի Կոլտսմիթս Քոլեճի Արուեստագիտութեան բաժնէն ունէր Մաքիստրոս Արուեստից կոչումը (MA): Զարմանալին այն էր, որ ցայդ տեղեակ չէի որ Նունե Սարգիսեանը է նաեւ... նկարիչ:

Արդ, հաճելի անակնկալ մը եղաւ ինծի համար Յունուար 30ի գիշերը ծանօթանալ Նունե Սարգիսեանի նկարներուն եւ ողջունել զայն նաեւ... որպէս նկարիչ:

Ցուցադրուած էին Նունէի գրեթէ ամբողջութեամբ սեւ ու սպիտակ ութ ստեղծագործութիւնները. "գրեթէ ամբողջութեամբ" ըսի, որովհետեւ նկարներէն ոմաց վրայ կար կարմրաւուն գոյնի թեթեւ հուպ մը:

Առաջին հայացքէն իսկ Նունէի վերացական (abstract) նկարները զիս տպաւորեցին իրենց պարզութեամբ, անկեղծութեամբ յագեցած գիծերու եւ ձեւերու նրբութեամբ: Ի դէպ է նշել, որ Նունէի նկարները ունին ինքնատիպ ոճ: Անոնք ոչ միայն գերծ են ուրիշ նկարիչներու ազդեցութենէն, այլ նաեւ ստեղծագործուած չեն այս կամ այն նկարչական դպրոցին պատկանելու ճիգէն թելադրուած: Հեղինակին անկեղծ ու անկաշկանդ

Կը Բացուի «Արարող Ձեռքեր» Նախագիծի Առաջին Ցուցահանդէսը

Ն.Ս.Օ.Տ.Տ. Գարեգին Բ Ծայրագոյն Պատրիարք եւ Ամենայն Հայոց Կաթողիկոսի բարձր տնօրինութեամբ 2018 թ. հոշակուած է Երիտասարդութեան տարի: Այս առիթով Մայր Աթոռ Սուրբ Էջմիածինի թանգարանները 2018 թ. ողջ ընթացքին պիտի իրականացնեն «Արարող ձեռքեր» խորագիրով ցուցահանդէսային նախագիծը: Այս մասին կը հաղորդեն Մայր Աթոռ Սուրբ Էջմիածինի Տեղեկատուական համակարգէն:



Նախաձեռնութեան նպատակն է աջակցիլ Հայաստանի եւ Սփիւռքի երիտասարդ արուեստագէտներուն՝ հանրութեան առջեւ հանդէս գալու, ներկայացնելու իրենց ստեղծագործութիւնները, մտորումները եւ գալիքի իրենց տեսլականը:

Ցուցահանդէսները պիտի ընդգրկեն կերպարուեստի բոլոր ճիւղերը (գեղանկար, քանդակ, լուսանկար եւ այլն):

Նախագիծի ծիրէն ներս առաջին ցուցահանդէսի բացումը տեղի ունցաւ փետրուար 11-ին, ժամը՝ 15:00-ին, Մայր Աթոռ Սուրբ Էջմիածինի մէջ (Գեորգեան հոգեւոր ճեմարանի առաջին յարկի սրահ): Ցուցահանդէսին կը ներկայացուին Միքայէլ Յարութիւնեանի եւ Սարգիս Բարայեանի ստեղծագործութիւնները:

ապրումներէն ծնած ութ նկարներն ալ գծուած են մելանով, ձեռքով պատաստուած հնդկական թուղթի վրայ:



Հեղինակը ցուցադրուած նկարներէն մէկը կոչած է *"Թէյ Քենտինսկիի հետ"* (Tea with Kendinsky): Թելադրուած Նկարի խորագիրէն, դժուար չէ գուշկել որ Նունե Սարգիսեան ոչ միայն բարձր կը գնահատէ ռուսական մեծ վարպետներէն մէկուն արուեստը, այլ նաեւ կը բաժնէ նկարչութեան նկատմամբ անոր ունեցած փիլիսոփայութիւնը: Քենտինսկիի բազմաթիւ ընդհանրացումներէն մեջբերենք միայն երկուքը, որոնք որոշ չափով, իմ կարծիքով, նկարչական արուեստի հանդէպ Նունե Սարգիսեանի մօտեցումը.

1. "Նկարիչը ո'չ միան իր տեսողութիւնը, այլ նաեւ իր հոգին պէտք է զարգացնէ":

2. "Արուեստի մէջ պէտք է գոյութիւն չունի, քանի որ արուեստը կաշկանդում չի ճանչնար:"

Ց ու ց ա ծ ա ն դ է ս ի ն նուիրուած յայտագրին մէջ Ն. Սարգիսեան արուեստի նկատմամբ իր ունեցած փիլիսոփայութեան կը բնութագրէ հետեւեալ բաներով.



"Ստեղծագործելը ինծի երջանկութիւնն էւ գոհունակութիւնն կու տայ:...Անունս պարուրածն է (spiral) կը ստորագրեմ [որ] կը խորհրդանշէ յաւիտենականութիւնը. Թէեւ կեանքը յաւիտենական է, բայց մենք եկած ենք այս աշխարհ բան մը ընելու ստեղծագործութեան մը ծնունդ տալու համար":

Տարիներ առաջ Նունե Սարգիսեանին մաղթեցի նորանոր յաջողութիւններ որպէս գրող, այսօր նոյն մաղթանքները կը հասցեագրեմ իրեն որպէս նկարիչ:

Լոնտոն, 3 Փետրուար, 2018

ԱՐՄԵՆ ՍԱՐԳՍԵԱՆ-ՌԱԿ ԿԵՂՐՈՆԱԿԱՆ ՎԱՐՉՈՒԹԻՒՆ ՀԱՆԴՊՈՒՄ

Փետրուար 11-ին, Երևանի մէջ, Ռամկավար Ազատական Կուսակցութեան կեդրոնական գրասենեակին մէջ տեղի ունեցաւ Հայաստանի նախագահ Սերժ Սարգսեանի կողմէ նախագահի թեկնածու առաջադրուած Արմեն Սարգսեանի հանդիպումը ՌԱԿ Կեղրոնական վարչութեան անդամներուն և ՌԱԿ Գերագոյն խորհուրդի նախագահ Վարդան Նազիրեանի հետ:



ՌԱԿ Կեղրոնական վարչութեան ատենապետ Յակոբ Աւետիքեան ներկայացնելով Արմեն Սարգսեանը նշեց, որ վերջինիս թեկնածութեան առաջադրումը պետութեան համար այդ կարևորագոյն պաշտօնին ոգևորող է կուսակցութեան համար, քանի որ լաւ ծանօթ ըլլալով Արմեն Սարգսեանի գործունէութեան թէ՛ Հայաստանի և թէ՛ Սփիւռքի մէջ, կ'ակնկալեն նոր քաղաքական մշակոյթի ձևաւորում և զարգացման նոր իրողութիւն Հայաստանի համար:

Արմեն Սարգսեան նշեց, որ նախ կ'ուզէ լսել կուսակցութեան ակնկալիքներն ու մօտեցումները ինչպէս իր առաջադրման, այնպէս ալ Հայաստանի ներքին եւ համահայկական խնդիրներու վերաբերեալ, ապա ներկայացնել իր տեսլականը: Եկած եմ ձեզ լսելու, ըսաւ ան, յիշելով անկախութեան առաջին տարիներու իր այցելութիւնները Ազգի խմբագրութիւն, երբ միտքը զբաղած էր համակարգչային ծրագրերու համար հայկական տառատեսակներ ստեղծելու գաղափարով:

ՌԱԿի ներկայացուցիչները, անդրադառնալով իրենց մօտեցումներուն համահայկական հիմնախնդիրներու վերաբերեալ, կը խօսէին Հայաստանէն ներս օրէնքի գերակայութեան, ներքին մթնոլորտը փոխելու, Սփիւռքի հետ յարաբերութիւնները նորովի կառուցելու, Սփիւռքի ցանցային կառոյցները արդիւնաւէտ եւ ի նպաստ համահայկական խնդիրներու լուծման գործածելու անհրաժեշտութենէն: Առանձնակի արձագանգուեցաւ գիտութեան ու կրթութեան զարգացման նպաստելու, զանգուածային լրատուամիջոցներու անկախութեան նպաստելու նոր քաղաքական մշակոյթ ձևաւորելու անհրաժեշտութիւնը:

Արմեն Սարգսեան մէկ առ մէկ անդրադարձաւ բարձրացուող հարցերուն՝ բովանդակալից և խորքային պատասխան տալով անոնց, ներկայացնելով նաեւ իր մօտեցումներն ու տեսլականը:

Ան անդրադարձաւ հարցերուն, որոնք կը վերաբերէին Հայաստանը աշխարհին մէջ ընթացող գործընթացներուն՝ բարձր արհեստագիտութեան, կրթութեան ու գիտութիւնը խթանելուն, Հայաստանի հիանալի մարդկային ներուժն օգտագործելով՝ Հայաստանի տեղը միջազգային ընդհանուր զարգացման մէջ ապահովելուն եւ Հայաստանի համար աւելի լայն շուկայ ապահովելուն:

Արմեն Սարգսեանէն լաւատեսութիւն կը փոխանցուէր՝ Հայաստանի մէջ փոփոխութիւններ կատարելու իր ունեցած վստահութեան առումով: Նախագահի պաշտօնի հանդէպ երկու մօտեցում առանձնացուց՝ կառավարման եւ առաջնորդման: Առաջինը գործադիր խնդիր է, որուն համար կայ կառավարութիւն: Մինչդէռ նախագահի պաշտօնը ստանձնելու պարագային ան կ'իյնայ վերջնական առաջնորդողի դերը՝ դէպի փոփոխութիւններ, կրթական բարձր մակարդակով եւ աշխարհի տարածքին ընդունուած կանոններով երկիրը տանելով նոր գործելակերպի:

Արցախի Կարգավիճակի եւ Անվտանգութեան Հարցերով Փոխզիջումներ Չեն Կրնար Ըլլալ

Արցախի Հանրապետութեան պետական նախարար Արայիկ Յարութիւնեան «Եւրասիա տէլի» (eadaily.com) լրատուամիջոցի կայքին մէջ հրատարակուած «Արմինֆօ» լրատուական գործակալութեան տուած հարցազրոյցի մը ընթացքին նշած է, թէ կը կարծէ, որ յառաջիկայ տասնամեակներուն, հաշուի առնելով ստեղծուած իրավիճակը, դարաբաղեան հակամարտութեան կարգաւորման պէտք չէ սպասել, քանի որ կողմերու դիրքորոշումները չափազանց հեռու են իրարմէ:

Ան չէ բացառած, որ իրավիճակի երկարատեւ պահպանումը կրնայ յանգեցնել հակամարտութեան գօտիին մէջ ռազմական գործողութիւններու վերսկսման: «Բայց ստեղծուած իրավիճակին մէջ պատերազմէն խուսափելու համար մենք պէտք է միշտ պատրաստ ըլլանք անոնց», - ընդգծած է ան: Պատասխանելով այն հարցին, թէ արդեօք Ստեփանակերտը պատրաստ է զիջումներու խնդիրը լուծելու համար՝ պետական նախարարը նշած է. «Զիջումներու մասին խօսելու համար մենք պէտք է սկիզբը նստինք բանակցութիւններու սեղանին շուրջ, իսկ յետոյ միայն որոշենք երթա՞լ փոխզիջումներու, թէ ոչ, եւ եթէ երթանք՝ ապա ի՞նչպէս: Ամէն պարագայի միանշանակ է այն, որ Արցախի կարգավիճակի եւ անվտանգութեան հարցերուն մէջ փոխզիջումներ չեն կրնար ըլլալ, մնացած բոլոր հարցերը այդ բանաձեւի անանցեալներն են»:

Մեկնաբանելով միջազգային հարթակներու վրայ Արցախի ճանաչման ուղղուած գործընթաց սկսելու վերաբերեալ օրերս Արցախի խորհրդարանին մէջ Հայաստանի խորհրդարանականներուն ուղղուած կոչին՝ Յարութիւնեան նշած է, որ ատիկա չի խանգարէր եւ հնարաւոր է, որ նոյնիսկ աջակցի խնդրի լուծման: «Շատ լաւ պիտի ըլլայ, եթէ միջազգային հատուածները ճանչնան Արցախը, բայց կարելի չէ ըսել, որ ատիկա մեր հիմնական եւ վերջնական նպատակն է», - ընդգծած է ան: Անդրադառնալով Արցախը ճանչնալու եւ այդպիսով վերջինիս միջազգային ճանաչման համար ուղի հարթելու վերաբերեալ Հայաստանի իշխանութիւններուն ուղղուած կոչին՝ պետական նախարարը նշած է. «Իսկ ի՞նչ պիտի տայ ատիկա մեզի: Հայաստանի կողմէ Արցախի ճանաչման անհրաժեշտութիւն չկայ: Մենք արդէն շատոնց մէկ երկիր ենք»:

Թուրք Ոստիկանները Եկեղեցոյ Դռներուն Մօտ Չերբակալած Են Պոլսահայ Գրողը՝ Աթէշեան Սրբազանը Պոյքոթելուն Համար

Պոլսոյ Ֆերիքէոյ շրջանի Ս. Վարդանանց եկեղեցոյ մէջ պոլսահայ մը պոյքոթած է Պոլսոյ Հայոց պատրիարքի փոխանորդ վերանշանակուած Արամ արք. Աթէշեանի եկեղեցական քարոզը՝ չարտօնելով, որ զայն սկսի:

«Ակօս» կը հաղորդէ, որ Աթէշեան արքեպիսկոպոսը քարոզը կրցած է շարունակել միայն թրքական ոստիկանութեան միջամտութենէն ետք:

Պոլսաբնակ սասունցի գրող Պեստէ Քապաք Աթէշեանի քարոզին սկսելուն պէս իր բողոքը արտայայտած է եկեղեցոյ մէջ ոտքի կանգնելով եւ բարձր աղօթելով: Աթէշեան պահանջած է դուրս հանել Քապաքը՝ քարոզը սկսելու համար:

Եկեղեցոյ դռներուն մօտ Պեստէ Քապաքը թուրք ոստիկաններու կողմէ նստեցուած է ինքնաշարժ եւ տարուած ոստիկանատուն: Անոր փոխանցումով՝ թուրք ոստիկանները սպասցուցած են զինք մինչեւ Աթէշեանի քարոզին աւարտը եւ զինք ազատ արձակած՝ ըսելով. «Մեր հիւրն էք»:

Պոլսահայ գրողը նախապէս եւս պոյքոթած էր Աթէշեանը Պոլսոյ Սամաթիա թաղամասի Ս. Գէորգ եկեղեցոյ մէջ՝ անոր քարոզին ժամանակ բարձրացնելով Աւետարանը՝ այսպիսով Աթէշեանին կոչ ուղղելով գործելու քրիստոնէայի վայել կերպով:

Ռուբէն Լեպոյեանի Յիշատակին

Օրեր առաջ՝ մեզմէ առ յաւետ բաժնուեցաւ, բոլորին սիրելի եւ յարգելի Ռուբէն Լեպոյեանը:

Կուռ հաւատարիմ հաւատացեալ մը, որ Աստուծոյ երկիւղը իր հոգիին մէջ գործեց՝ աղօթեց եւ ապրեցաւ, միշտ հաւատարիմ մնալով, իր ինքնութեան՝ իր հայրենիքին՝ իր հողին իր եկեղեցիին ինչպէս նաեւ Մայր Աթոռ Ս. Էջմիածնին:

Ռուբէն Լեպոյեան եղած է անխոնջ աշխատասէր ջանասէր ընտանասէր եկեղեցասէր եւ Աստուածապաշտ հաւատացեալ մը, միշտ մասնակցութիւնը բերելով, մեր գաղութային ձեռնարկներուն եւ հպարտանալով հայրենի նուաճումներով եւ Մայր Աթոռ Ս. Էջմիածնի վերածաղկումի յառաջդիմութիւններով:

Ամէն անգամ որ հանդիպեցանք իրարու, իր գրոյցը կը դառնար եկեղեցոյ կամ հայրենիքի նուաճումներուն մասին: Ազգային գիծ մը, որ իր մէջ աճած եւ ուռճացած է իր հօր Յովսէփ Լեպոյեանի շունչին տակ:

Հաւատաւոր անձ մը՝ որ տարիներ շարունակ ծառայած էր նուիրումով Փերիսթերիի Ս. Աստուածածնայ եկեղեցոյ հոգաբարձութեան մէջ:

Ռուբէն եւ Փարիզ Լեպոյեանները բախտաւորուած են, երկու արժանաւոր պատուական զաւակներով՝ Յովսէփ եւ Տալիտայով, որոնք հայկական ազգային դաստիարակութեամբ պատրաստուած են՝ աւարտելով Մելգոնեան հաստատութիւնը եւ տեղական համալսարանները:

Անոնք կը շարունակեն հետեւիլ, իրենց հօրը եւ մեծ հօրը ազնուական հաւատարիմ եւ ուղղափառ ուղիին, ըլլայ իրենց անձնական աշխատանքի վարքով եւ կամ ազգային, եկեղեցական ապրելակերպով:

Ռուբէն Լեպոյեանը միշտ պիտի յիշենք, իր մարդկային՝ ազգային եկեղեցական մաքուր պարկեշտ աշխատասէր եւ հաւատացեալի ուշագրաւ նկարագրի յատկանիշներով:

«Նոր Աշխարհ»

Շարունակուած էջ 2-էն

Փետրուար 13-ին, Արցախեան շարժման 30-ամեակին

Մենք՝ Արցախեան ազատամարտի տարեց վկաներս, կը հպարտանանք 1980-90-ական թուականներու սերունդով եւ կը յորդորենք երիտասարդները, որ մեր յաջողութիւններուն՝ կրկնապատկողը ըլլան, քանզի երկար ճանապարհ ունինք անցնելու՝ Արցախը Մայր Հայաստանին վերամիաւորելու սուրբ գործին մէջ եւ իրականացնելու 30 տարի առաջ հայ ժողովուրդի սրտէն ծնած՝ «մէկ ազգ, մէկ հայրենիք ու մէկ պետութիւն» կարգախօսը»,- ըսած է Հ. Գրիգորեան:

Ղարաբաղեան շարժման աքթիիստ, Արցախի հերոս Ժաննա Գալստեան, վերջիշէլով 1988 թուականի հանրահաւաքը, ըսած է. «Այն ժամանակ մենք ճնշուած էինք: 1988-ին մեզանմէ իւրաքանչիւրը հրապարակ ելած է պարզ նպատակով մը՝ շրջելու հայոց պատմութեան վերջին 100-ամեակի շեղած անիւր: Դուրս եկած է գիտակցելով, որ ինքը հզօր կայսրութեան պատժիչ մեքենայի անիւներուն տակ կրնար մնալ: Իսկ այսօր, բարեբախտաբար, մեզի կը պաշտպանէ հայոց հզօր բանակը: Այսօր մենք հաւաքուած ենք այստեղ ոչ միայն յարգանքի տուրք մատուցելու Ղարաբաղեան շարժման առաջամարտիկներուն, այլեւ ազդարարելու պայքարի նոր փուլ, որ կը կոչուի զարգացման փուլ: 30 տարի անց մենք պետք է 1988-ի դասերը քաղենք, իսկ մեր ամենամեծ դասը Հայաստան-Արցախ-Սփիւռք եռամիասնութիւնն է, իսկ երկրորդ դասը՝ հետեւողական ըլլալը եւ երրորդը՝ յայտնաբերելու մեր վրայ դնելը. այդժամ յաղթանակները անխուսափելի պիտի ըլլան: Մենք կը տեսնենք, որ մեր թշնամին ոչինչով կը փոխէ իր գործելակերպը, ձեռագիրը եւ նոյնը մնացած է առայսօր: Կեցցէ հայ ժողովուրդը, հայոց բանակը եւ այն ժողովուրդը, որ պիտի ապրի ազատ, անկախ եւ միացեալ Հայաստանի մէջ»:

Ձեռնարկին ընթացքին, տեսակապի միջոցով՝ ղարաբաղեան շարժման 30-ամեակին առիթով՝ իրենց շնորհաւորական ուղերձները յղած են նաեւ Հայաստանի, Ռուսիոյ, Տրանսսայի, Մեծ Բրիտանիոյ, ԱՄՆ-ի, Եւրոխորհրդարանի քաղաքական ուժերու ներկայացուցիչներն ու մշակութային յայտնի գործիչներ:

Աւարտին հնչած են ազգային երգեր, պարեղանակներ՝ Վերածնունդի հրապարակը վերածելով ազգային մեծ տօնախմբութեան հարթակի: Հանրահաւաքին ներկայ եղած են ԱՀ երկրորդ նախագահ Արկաղի Դուկասեանը, ԱՀ ԱԺ նախագահ Աշոտ Դուլեանը, ԱՀ պետնախարար Արայիկ Յարութիւնեանը, ԱԺ պատգամաւորներ, Արցախեան շարժման առաջամարտիկներ եւ անոնց գործը այսօր շարունակող երիտասարդներ եւ հիւրեր:



Հ. Բ. Ը. Մ.

ՅՈՒՆԱՍՏԱՆԻ ԿԵՂԸ. ՅԱՆՁՆԱԺՈՂՈՎ ՀՐԱԻԷՐ ԸՆԴՀԱՆՈՒՐ ԱՆԴԱՄԱԿԱՆ ԺՈՂՈՎԻ

Յանձնաժողովիս Վարչութիւնը, նկատի ունենալով Միութեան Ծրագրի ու Կանոնագրի 17, 18, 19 եւ 20 յօդուածները, այսու կը հրաւիրէ իր բոլոր իրաւասու անդամ-անդամուհիները, ներկայ գտնուելու տարեկան Ընդհանուր Անդամական Ժողովին, որ տեղի պիտի ունենայ, Կիրակի 4 Մարտ 2018ի, առաւօտեան ժամը 10ին, Հ. Բ. Ը. Միութեան «Ա. Գալիպքեան» վարժարանի «Հրանդ եւ Լուիզ Տէներճեան» հանդիսարանին մէջ, Նաֆիլիու փողոց, թիւ 11, Փալէօ Ֆալիքօ, հեռ. 210-9825685: Մեծամասնութիւն չզոյանալու պարագային, Ընդհանուր Անդամական Ժողովը պիտի յետաձգուի, որպէսզի վերջնականօրէն գումարուի յաջորդող Կիրակի 11 Մարտ 2018, նոյն ժամուն, նոյն վայրը եւ նոյն օրակարգով:

Օ Ր Ա Կ Ա Ր Գ

1. Ներկայացում ու վաւերացում 2017 տարեշրջանի տեղեկագրին:
2. Ներկայացում 2017 տարեշրջանի նիւթական հաշուետուութեան:
3. Զեկոյց Հաշուեքննիչ Յանձնախումբի կողմէ:
4. Վաւերացում 2017 տարեշրջանի նիւթական հաշուետուութեան:
5. Ներկայացում ու վաւերացում 2018 տարեշրջանի նախահաշիւին:
6. Ոչ Հայ աշակերտներու յաճախում՝ Հ. Բ. Ը. Մ. «Ա. Գալիպքեան» վարժարանին:
7. Փոխարինել Հ. Բ. Ը. Մ. «Ա. Գալիպքեան» վարժարանի երկու դպրոցական ինքնաշարժները:
8. Զանազան այլ հարցեր:
9. Հաշուեքննիչ Յանձնախումբի ընտրութիւն:
10. Վարչութեան ընտրութիւն:

Ի դիմաց

Հ. Բ. Ը. Միութեան Յունաստանի Կեղը. Յանձնաժողովի Ատենադպիր Մ. ԲՕՆԻՐՈՒ Ատենապետ ԴՈԿՏ. Հ. ՄԱՐՈՒՔԵԱՆ

Ծանօթ.-

1) Ըստ Միութեան Ծրագրի ու Կանոնագրի 19րդ յօդուածին, Վարչութեան եւ Հաշուեքննիչ Յանձնախումբի թեկնածուները պետք է կատարած ըլլան իրենց տնտեսական պարտաւորութիւնները եւ գրաւոր ներկայացնել իրենց թեկնածութիւնը, մինչեւ Շաբաթ 3 Մարտ 2018, կէսօրուայ ժամը 12ին, Միութեան գրասենեակը (Նաֆիլիու փողոց, թիւ 11, Փալէօ Ֆալիքօ):

2) Այն անդամ – անդամուհիները որ նախորդ տարիներու տնտեսական պարտաւորութիւնները չեն կատարած եւ կը փափաքին ներկայ գտնուելու Ընդհանուր Անդամական Ժողովին, կրնան կատարել իրենց պարտաւորութիւնները ըստ Միութեան Ծրագրի ու Կանոնագրի 6րդ յօդուածին, մինչեւ Ընդհանուր Անդամական Ժողովին վերջը, եթէ ոչ ինքնագործ պիտի չնկատուին Միութեան անդամ – անդամուհի:

Աթէնք, 30 Յունուար 2018



ԹԱՏԵՐԱԿԱՆ

Արարատ Մ.Մ.Միութեան «Ծիածան» թատերախումբը կը ներկայացնէ

Յակոբ Պարոնեանի «Երկու Տիրոջ Մէկ Ծառան»

կատակերգութիւնը յունարէն լեզուով,

Բեմադրութեամբ՝ Հայկ Գասարճեանի:

Կը մասնակցին՝
Գրիգոր Չափարեան,
Սօթիրիս Մեմերճեան,
Հէրման Մէնէնտեան,
Սօնա Կալստեան,
Արման Մէնէնտեան,
Անասթասիս Բանանուտարիս,
Եօրդիա Մաքրիտի

Շաբաթ 24 եւ Կիրակի 25 Փետրուար 2018-ին
երեկոյեան ժամը 8.00-ին.

Δημαρχείο Ρέντι
Αίθουσα Ιάκωβος Καμπανέλλης
οδός Μπιχάκη 8



Փոքր Հայաստանը Բազում Տաղանդներ Տուած Է Աշխարհին. «Կուլտուրա» Հեռուստա-ալիք

Ռուսական «Կուլտուրա» հեռուստա-ալիքի «Ուոքով» հաղորդաշարը պատրաստած է Երեւանի մասին՝ ներկայացնելով քաղաքի պատմութիւնը, ճարտարապետութիւնը, յուշարձանները, թանգարաններն ու տաղանդները:



«Փոքր Հայաստանը բազում տաղանդներ տուած է աշխարհին: Մեզի յայտնի են հայ նկարիչները, դերասաններն ու երաժիշտները: Մոսկուայի մէջ կ'աշխատէր ճարտարապետ Հալաբեան, առաջնորդներուն կը նկարէր Նալբանդեան, մարդոց կ'ուրախացնէր ծաղրածու Ենգիբարովը, ֆիլմ կը նկարահանէր Քէօսայեան: Երաժշտութիւն կը գրէին Բաբաջանեանն ու Խաչատուրեանը, իսկ վերջինիս յուշարձանի հեղինակը Ֆրանգուլեանն է»,-այսպէս կը սկսի իր պատմութիւնը ծրագրի հեղինակ եւ հաղորդավար Միխայիլ Ժեպրակը: Ան կ'աւելցնէ նաեւ, որ «Մեծ հայերը» թեմայով շրջագայութիւն կարելի է իրականացնել ոչ միայն Մոսկուայի, այլ նաեւ Փարիզի, Թիֆլիսի եւ Սան Ֆրանսիսքոյի մէջ:

Ջրօնելով Երեւանի փողոցներով՝ հեռուստահաղորդավարը կը պատմէ Երեւանը նախագծած Ալեքսանդր Թամանեանի մասին, կը շրջի Կասկադի մէջ եւ Հանրապետութեան հրապարակը, քաղաքի միւս տեսարժան վայրերը:

«Ուոքով... Ստեղծագործական Երեւան» թողարկման մէջ Ժեպրակ առանձին կը պատմէ նաեւ Մարտիրոս Մարեանի եւ Սերգէյ Փարաջանովի տուն-թանգարաններու մասին, իսկ հաղորդաշարի յաջորդ թողարկման մէջ, որ պիտի հեռարձակուի «Ռոսիա Կուլտուրա» հեռուստաալիքով փետրուար 18-ին, ան պիտի անդրադառնայ նաեւ քրիստոնէայ Հայաստանին, կը գրէ panarmenian.net-ը:

Թուրքիոյ Մէջ Վանի Թագաւորութեան Պատմութեան Նուիրուած Թանգարան Պիտի Բացուի



2018 Ապրիլ 10-ին, Վան քաղաքին մէջ պիտի բացուի թանգարան, ուր պիտի ներկայացուին Վանի թագաւորութեան (Ուրարտու) պատմութեան նուիրուած գտածոներ եւ բացառիկ նմուշներ:

Ըստ թրքական «Demokrathaber» լրատուական կայքի՝ Վանի նահանգապետ եւ համանուն քաղաքի քաղաքապետի պաշտօնակատար Մուրաթ Չորլուօղլուն յայտնած է, որ թանգարանի բացումը շատոնց նախատեսուած էր, սակայն որոշ խնդիրներու պատճառով կը յետաձգուէր:

Թանգարանի շինարարութիւնը, որ դեռ կը շարունակուի, ֆինանսաւորուած է Թուրքիոյ մշակոյթի նախարարութեան կողմէ (10մլն թրքական լիրա, որ համարժէք է 263 622.23 տոլարի):

Բացման արարողութեան պիտի հրաւիրուին Թուրքիոյ մշակոյթի եւ զբոսաշրջութեան նախարար Նուման Քուրթուլմուշը:

Թանգարանին համար երկար ժամանակ նմուշներ հաւաքագրուած են շրջակայ տարածքներէն: 2013-ի դրութեամբ նմուշներուն թիւը կը հասնէր 87 հազարի:

Կ'ակնկալուի, որ անիկա պիտի հանդիսանայ Թուրքիոյ ամենամեծ թանգարաններէն մէկը: Թանգարանը ունի 54.000 մ² տարածք, կը գրէ Ermenihaber.am-ը: